

三通考輯要

第三
函
第十冊

皇朝文獻通考輯要卷五下

山陰湯壽潛螭先恭輯

征權考下

鹽

乾隆元年正月弛窮民販鹽四十觔以下之禁停止商人私僱鹽捕及巡船汛兵以除擾累

又改浙江巡撫爲總督管理兩浙鹽政

又裁汰滇省鹽課盈餘以平鹽價

減廣西鹽觔價值先是廣西鹽引因商人無力承辦於雍正元年經督臣孔毓珣題請官運官銷行之二年已有盈餘遂將通省鹽價照部定之數每觔減價二釐百姓稱便

暫停浙江鹽政領發餘引大學士浙江總督管理鹽政嵇曾筠奏查兩浙正引每年共七十萬一千六百九十八道雍正七年間前督臣李衛預請餘引額目十萬道經部議准鹽多增配鹽少續銷贏縮隨時原不拘定成數嗣後則步趨前例必欲取盈遞年增至二三十萬引不等查上年冬掣不敷正額今屆夏掣竭力趕煎祇可照正引捆運暫停請領餘引從之

又大學士浙江總督嵇曾筠條奏浙江鹽政四條一商捕難裁請盡改爲官役報明地方官造入卯簿以便約束一水路巨梟積販原藉兵役駕舟巡緝請將緊要隘口令有司會同營汛逐一確查編號造冊以備巡緝之

用一巨商領運鹽舫自應一引一鹽若飛渡灌包夾帶引鹽相離應飭巡船弁兵一體查拏究處一巡緝私鹽應以功過之大小定賞罰之次第嗣後巡鹽兵捕能拏獲私鹽船隻應分別賞給部議應如所請從之

定漁戶領鹽例兩江總督趙宏恩奏覆酌籌鹽務事宜經部行查各款逐一分晰咨部查漁戶領票赴買之鹽除准分司所屬場分歷來並無海關照票亦無完課之處至通泰二分司所屬各場每逢魚汛之期沿海民居僱備船隻先赴海關投納船稅請領照票本關驗明該船梁頭尺寸九尺以上爲大船八尺以上爲中船七尺以上爲小船票內填定舵工船戶姓名並大中小尺寸漁戶執票赴場場司驗票大船給鹽三千觔中船給鹽二千觔小船給鹽一千觔漁戶買鹽出洋採捕汛畢歸港報明場司查驗該船得魚若干如魚少鹽多卽令將餘鹽歸垣售商如魚多鹽少漁戶卽投醃切牙行照魚數買鹽復醃仍照魚數於狼鎮投納餉稅然後裝赴江南貨賣此外並無完納別項課銀再報稅用鹽俱以魚數之多寡爲憑此等船隻承潮雲集赴場則多報魚數希圖混冒鹽觔赴關則少報魚數希圖脫漏稅課關場官役勢難盡查實數每多受其欺蒙應飭令各場員每年汛畢漁船進港該船報明捕得魚數一面查核用銀之多寡一面將各船魚數咨呈狼鎮收稅衙門如漁戶投稅少報魚數聽收稅衙門查究則漁船不敢捏報冒鹽亦不敢減數漏稅應飭行爲例下部議行

又定浙江增觔改引例奉

諭旨將杭嘉湖三所引鹽循照兩淮舊額每引加增鹽五十觔連包索共重三

百三十五觔至松江一所原爲海濱產鹽之區向因額設季引九萬餘道分別上中下三則征收正課公費銀

五萬四千餘兩遂使近場州縣多有鹽貴之苦今循照沿海溫台等處之例改行票引九萬餘道每引給鹽四百觔令商人設店住賣如此增觔改引則商本寬裕轉輸便易庶可復還數十年前之原價以便民用

又奉 諭旨淮揚運河於來歲挑淺鹽船不能行走民食所關必須先事綢繆預爲樞重運至儀所以便源源運往口岸但商人既預運七十萬之引鹽即須早完七十萬引之正雜錢糧商力未免竭蹶查鹽務正雜錢糧商人向分三次完納首先完銀謂之請單其次完銀謂之呈綱最後完銀謂之加觔今朕寬緩其期將此預運之引鹽所有請單呈綱兩次應納錢糧准於加觔時一併完納俾商力寬舒得以從容辦課

裁減省鹽課盈餘并除分派煙戶食鹽之弊 謹按滇省地處極邊水程難達自後漢時夷人歲輸鹽一斛以爲常賦至明季而分并各置鹽官我 朝因之順治十七年給票易引以出鹽多寡定經制課程各隨商販照例抽稅雍正二年於鎮沅府地方開按板井於威遠地方開抱母井三年於普洱地方開磨黑井元江府地方開猛野土井合之白珥雲龍安甯阿陋等共十五井地不愛寶鹽井已視前加闢而昇平日久生齒繁庶苗獠夷獠仰食於各井鹽觔是以鹽價日昂 皇上裁減盈餘以核定鹽價爲民食計者至周且渥而因地制宜之道並著於此矣

二年免兩廣鹽課餘平銀兩

四年議准貴州省古州行食粵鹽

停止浙江省儲備鹽勛先是管理浙江總督嵇曾筠疏稱請動道庫帑羨收買餘鹽入厥存貯以備平價之需至是巡撫盧焯奏稱出易之時分派各商腳費甚重鹽勛消耗力不能賠勢必取償於賣價不但累商兼以累民是貯鹽一事殊有未便部議應如所請奏將儲備鹽勛永行停止從之

又以兩浙鹺政分隸江南

敕江南督撫提鎮督率所屬稽查私販

奉

諭旨雲南黑白琅等鹽井舊有規禮銀二千八百餘兩歸入公項下爲公事養廉之需在於每年發

給薪本銀內扣解在當日柴價平減鹽戶猶能供辦聞近年以來童山漸多薪價日貴兼之鹵淡難煎所領薪本不敷購買柴薪之用鹽戶未免艱難所當酌量變通以示存恤著將白琅二井節禮黑井鍋課銀兩免其扣解俾鹽戶薪本較前寬裕所有公項不敷統於銅息銀內撥補放給

六年議准酌加淮鹽引價成本先是乾隆四年十一月太僕寺卿蔣漣奏兩淮運地極廣鹽價日昂小民甚受其累請仿照長蘆之例官爲定價湖北巡撫崔紀奏湖廣通省行銷淮鹽蒙 世宗憲皇帝特差吏部待

郎黃叔琳等酌定價值迨雍正二年鹽臣噶爾泰奏海潮淹沒鹽場倍增成本懇祈隨時銷售部議覆准至乾隆二年經撫臣鹽臣等會議查南鹽草本之資包索水腳之費辛工火足之用掣鹽之裝載三汊河之起駁揚州漢口之商夥灣頭關鈔之稅課及織造銅勛河餉等之銷算引窩根窩之租息合之引課定額按照閩部會議通盤酌核賤價時每引應需成本銀五兩三錢七分三釐八毫零每包一錢三分八釐每觔一分五釐六毫

零至貴價時每引應需成本銀五兩七錢八分二毫零每包一錢三分八釐六毫零每觔一分六釐八毫零按款造冊大學士會同戶部議覆應如所請奉 旨依議至是巡撫徐士林奏恤商正以惠民懇加給准商餘

恩每引三錢至七年九月兩淮鹽政準奏奏場池爲行鹽根本連遭水潦商運艱難懇再加每引餘利三錢下部議駁奉 旨今年江省被水非尋常可比著照依該鹽政所奏以次年四月爲限不得爲例

七年定福建鹽務歸水商辦理並定該省行鹽引額

又議准勻銷粵鹽商引酌量改撥並將沿海鹽坵改種稻麥以重本計

又戶部議覆四川巡撫碩色奏稱蓬溪一縣於雍正九年計口授鹽時原額祇陸引四百九十七張嗣復增一千三百五十二張又增水引一百七十八張較原額三倍有餘又瀘州仁壽縣松潘廳均有積滯引張難以行銷今查有德陽等十三縣均以食指漸繁額鹽不敷情願各就近便認銷應如所請將蓬溪等四廳州縣積引二千二百五十一張自乾隆八年爲始酌量改撥於德陽等處就近行銷得 旨依議速行

以揚准鹽務道事歸併揚淮道管理

八年戶部覆准兩淮鹽政準奏稱兩淮引鹽經前任鹽政三保奏請自庚申綱起將乙卯綱引鹽照帶戊之例分作十年帶銷今乾隆八年遇有閏月現行癸亥綱引既不敷民食自當通融酌辦以資接濟應如所請將己巳年淮南應帶乙卯綱引一分提入癸亥綱內帶辦得 旨准行

九年戶部議覆四川巡撫紀山疏稱滇省東川等處鹽觔不敷民食經滇省督臣奏請改撥川鹽接濟至行滇引鹽既於宜賓換截自應照例刊入引紙以便換截配運其黔省施秉縣及鎮遠縣屬之西南北三隅均係沿邊買食川鹽地方應令一併刊入引紙從之

十年添鑄煎鹽盤角兩淮鹽政吉慶奏言臣前因兩淮所產之鹽僅數年額並無積餘足備緩急是以籌議奏明添鑄盤角二十七副較之鑄煎費省產多甚為便利自應多為添鑄以資廣產而備儲蓄兩淮煎鑄向係商人呈明開鑄茲添鑄盤角應無論商鑄如有情願備資自鑄者許其循照往例呈明官為稽察從之

又戶部議覆兩廣總督那蘇圖條奏兩廣鹽法一商欠宜分年帶征以清帑項一催迫商欠宜酌定議處該敘之例以示勸懲一現在卑商宜秉公甄別以肅鹽政一運鹽到卑宜令地方官先收鹽價以專責成一加增各卑鹽包宜盡行革除以清鹽法一緝捕私鹽宜頒發賞格以示獎勵一各屬鹽規宜責令首報一運司分司鹽庫宜徹底清查以杜侵冒俱應如所請從之

又定淮揚預運鹽觔每引加鹽二十觔自是每恭遇

南巡省方之歲皆奉

諭旨加耗如例

又准兩淮食鹽撥於綱地行銷

十二年定淮鹽運楚限期並建常平鹽倉於漢口鎮

十三年加給兩淮引額鹽觔兩淮鹽政吉慶奏稱兩淮綱食引鹽近因蒲草歉產包索減輕鹽觔易致虧折仰

諸量予加增俟蒲草豐時奏停奉

諭旨於引額之外每引增給十觔俾商本不致虧折民食永資利益

十四年以長蘆鹽臣請增課額傳

旨申飭交部察議

又戶部議准兩廣總督碩色奏言粵省難銷卑地共有順德等四十二卑易銷者計有連州等三十六卑奏請將難銷各卑積引撥交易銷之卑代爲運銷三年一撥造冊報部惟是近場難銷之卑尙不止於四十二處此外如仁化江浦乳源陽江長樂等二十餘卑亦皆屬近場疲爛之區與其三年之方始造冊報部致有在外私融之弊莫若按年隨時酌撥據實報部且查閩省鹽法遇有難銷額引俱係按年隨時酌撥彙冊報部閩粵事同一例自可援照辦理從之

十六年加兩淮綱食引額鹽飭奉

諭旨朕省方所至廣沛恩膏因兩淮商眾運綱輸課接濟民食著將兩

淮綱鹽食鹽於定額外每引加賞十觔不在原定成本之內減一分售鹽之價卽利一分食鹽之人其有昂值綱利致累閭閻則深負德意矣該鹽政其通示商眾從之

又免兩淮追繳鹽引貴價盈餘並令淮商嗣後不得於貴價外另增價值兩淮運銷丁卯戊辰己巳三綱引鹽皆照原定貴價曾經部駁追繳鹽政吉慶奏請免追戶部仍照例議駁奉

諭旨向來各省鹽引原聽其自

相交易無官爲限制之例長蘆河東至今尙然惟兩淮行運江楚鹽引適因崔紀沾名三保庇商兩持異議始將各商運楚成本分別定以賤價貴價然自定價以來商人總以貴價銷售至今夫恤民裕商本屬一事若任

其屢擡時價日引日增則於民食有害然勒令賤價則該商等又以成本有虧不免紛紛籲請今計各商比年行銷價值於成本自可無虧將來即藉口年歲不齊料亦不過如今之所稱歉年而止耳嗣後淮南商銷售引鹽即遇應貴之年亦不得於現在所銷價值外復議稍有加增庶可示以限制至於歲事豐稔鹽價可以酌量平減則令各該督撫會同鹽政等隨時籌畫妥辦部臣亦不必固執定例徒滋駁詰之繁庶於商民均爲有益至於部議已賣貴價復令商人追繳之處事理亦屬難行若云買貴在民則仍應給還食鹽之戶於勢固有所不能否則以商人市值所餘而歸之官帑於政體尤有所不可總之民間物價本自不齊祇可隨時調劑不能概繩以官法即如人生日用最急者莫如食米一項今謂意在恤民而欲官爲立制務使市價損之又損閭閻皆得賤食意則善矣欲其行之於事能乎不能乎國家休養生息百有餘年戶口繁衍自古希逢之盛會人庶則用廣用廣則價昂此一定之理經國者要在務知大體而於事勢通變贏縮之間爲之補偏救弊俾庶政皆得其平即所以嘉惠元元者不外是矣因議鹽法故推類及之而因時立政之道實不外此將此傳諭中外知之

又借給兩淮鹽丁公項銀兩兩淮鹽政吉慶奏奉

諭旨每年春借冬還不必加息

又酌減河東餘引四萬道并更正陝西咸甯等處升斗照依部式

又議准滇省鹽政五條戶部議雲南巡撫愛必達條奏一滇省原定鹽價低昂不齊請按照地方情形統行酌定數目每百觔自一兩五六錢至二兩三兩不等與乾隆元年欽奉

諭旨每百觔總在三兩以內之數相

符一滇省鹽斤惟黑白兩井額煎最多黑井鹽概運省店行銷白井鹽分運大理等府屬行銷其雲龍安甯琅阿陋草溪麗江景東抱母各井或分給近便府州縣行銷或卽令本府兼辦均係歷年各按應徵課款開報奏銷嗣於乾隆四年奏撥川鹽二百四十餘萬又奏運粵鹽以致鹽多壅滯自應量爲增減原題川鹽另行撥銷並將增減改撥數目開造清冊送部一各井員離任交盤應將支發薪本流瀾及鋪販鹽飭各項應追應接統於冊內分別條款交代一滇省行銷井官專司督煎則奏銷督征職名自應免其開列至該管知府有督征之責行銷未完者應開列請參全完者亦應開列請敘以上均應如所議辦理一滇省井官督煎有無墮誤作何議敘議處亦應如所奏督煎井官如按年足額准照課款全完五萬兩以下議敘之例紀錄一次其墮煎官亦照輕重分別議處得旨如議行

十七年

敕長蘆勅商鹽減半納課並豁免應追未完鹽課加勸銀兩

十八年長蘆鹽政吉慶奏長蘆額引而外向設餘引五萬道今乾隆十八年領到餘引均已分領全完就現在暢銷情形通計本年應運引數前領餘引實在不敷售應請再領餘引七萬道連前共合十二萬道存貯運庫庶可乘此場鹽旺產之候多爲領運使引地皆有貯積民食不虞缺乏疏入報可

十九年禁止蕩草出境販賣戶部議覆兩淮鹽政吉慶奏稱通泰二分司所屬各場俱係淋漓煎鹽而其法卽將煎鹽之草灰攤晒淋瀝熬成鹽飭是以沿海草蕩俱撥給鹽戶供煎歷禁開墾占賣蕩內產草二種白者力

大較旺灰瀾沈厚紅者稍遜總以供場竈之燒煎不容出境販賣乃各場竈藉口紅草曾有出賣每將蕩草私販出場轉至煎辦無資查鹽法誌載止有放荒蕩草之條而私販蕩草該管場員分司州縣並無處分之例應照管理礦廠官員私運銅鐵出廠不行查出罰俸一年至產草極豐之年供煎有餘紅草仍聽酌量轉售白草雖通鹽收仍禁止販賣以裕竈煎疏入報可

十月定鎮雄州歲解鹽觔仍歸商辦設口抽稅

二十年議准兩淮新淤草灘悉照埤鐵給陞

二十一年准河東借買蘆鹽配運接濟

二十二年加惟鹽每引十觔以二年爲限

又以河東鹽池歉收准運蒙古鹽觔接濟戶部議覆山西巡撫塔永甯等奏言本年河東池鹽不敷配運伏查太原府屬之崞嵐州等一十八州縣皆因相距河東千有餘里駄運維艱向無官鹽到此而地近沿邊所以俱買食蒙古之鹽百姓便安已久此十八州縣之民既准買食蒙古之鹽則其餘州縣之民偶因不足暫時通融亦得仰請援照事同一例

二十三年定兩廣鹽務章程大學士忠勇公傅恆等詒覆戶部侍郎吉慶署兩廣總督李侍堯條奏兩廣鹽務章程一改設引目以定課程一嚴緝私處分以杜私梟一官辦各埠宜全行改歸商辦一禁機和定價值以通

商鹽

二十四年以河東池鹽歉收准配銷花馬大小池等處鹽觔接濟河東鹽政薩哈岱奏言河東池畦被水收鹽無幾所有山陝兩省民食全賴蒙古鹽觔以資接濟奈急切不能運到民間待食孔殷伏查甘肅甯夏府靈州所屬之惠安堡共計鹽井四百餘眼除配運平慶甯各府屬本引之外向有積鹽餘剩並附近之花馬小池蓮花爛泥狗澗等池收鹽豐裕較勝往時分多潤寡實於課食有益再陝省延安府屬定邊縣之大花馬池產鹽亦裕但山路險僻畝運艱難成本不無多費然蒙古鹽觔未到之先亦宜令商人備資赴買以濟配運不敷之處部議應如所請飭商自備資本前往買運以濟民食仍照長蘆之例給發護票以杜私販至所買之鹽配河東之引輸河東之課所有本省課稅自應免其重複徵收得 旨如議行

又酌撥淮鹽食引於綱地行銷戶部議兩淮鹽政高恆奏江甘高寶泰等州縣鹽積食引請改撥綱地融銷查兩淮行鹽口岸通融改撥例有明禁且江甘二縣逼近場竈尤爲私鹽充斥之所若派撥綱地非特私鹽愈滋透越將見綱鹽口岸悉爲食引所佔殊於鹽法有碍應將該鹽政所請之處無庸議奉 諭旨高寶等十四州縣著照該鹽政所請行其江都甘泉二縣照部議不准撥綱行銷

又准滇省添買粵鹽撥給勸勒州行銷

二十六年議定兩淮鹽法七條奉

諭旨兩淮鹽務浩繁商力不無拮据如預提餘引一事從前吉慶係派

之通綱而普福高恆則擇其奮勉辦事者以爲酬獎之地其中卽不能允協羣情其應作何定立章程著軍機大臣會同尹繼習吉慶高恆等詳悉妥議具奏尋議一擬派餘引宜均攤衆商以期普沾利澤一外支銀兩除公務應用不得濫行開銷一辦理常貢宜酌定用數以備查核一鹽政養廉宜裁減五千歸之公項一匪商費用宜嚴加查察以免通綱派累一綱食鹽引宜照例行銷不得濫爲通融一私鹽透漏宜嚴加查緝以疏引目從之

二十八年准長蘆鹽政奏增蘆鹽每觔加增制錢一文以資行運

又加給滇省黑白二并薪本銀兩

二十九年准兩淮鹽政奏預提乙酉綱引給商接濟兩淮鹽政高恆奏兩淮行鹽各省年數屢豐銷售甚暢現辦甲申一綱計算不敷民食請預提乙酉綱淮南鹽引三十萬道淮北鹽引十萬道分給領運以裕民食

三十年令河東額外存鹽照淮揚之例配用餘引以濟民食

又酌增山東行鹽餘票山東原設額票一十七萬一千七百四十道雍正八年增餘票五萬道乾隆元年復增一千五百道五年六年復增一萬五千道至是長蘆鹽政高誠奏山東濱海行銷票鹽各州縣鹽觔日加暢銷恐將來不敷接濟請再增餘票一萬五千道以本年請領丙戌綱票引爲始所銷之票按數納課戶部議應如所請從之

三十二年

諭朕此次臨幸天津該商等趨事赴公頗稱踴躍因念長蘆通綱引課每年十月內奏銷正值銷售菜鹽之時鹽價未及收齊而奏限已屆商力未能舒徐著將長蘆通綱鹽課嗣後改於十一月底奏銷俾得從容完納以示體恤

三十五年兩淮鹽政允拔世奏淮南北台場春夏多雨場鹽歉產各口岸亦多被水行銷不暢請將已丑綱奏銷展至八月題報經部議駁得 旨著照所請行

三十六年

諭上年夏間天津等處雨水過多長蘆鹽地同時亦被淹浸商等工本不無稍虧雖去歲曾加錢價現在商力仍覺拮据著加恩每觔再暫加錢一文以降旨之日爲始定限一年仍照舊值行銷

又

諭山東引票各商自乾隆十六年至三十一年尚有積滯未銷之鹽六十餘萬包課項俱已隨引清完而鹽包仍須陸續運售加以按年輸納正課商力未免拮据著加恩將乾隆三十五年應征款項除雜項錢糧照舊交納外所有正課銀分作八年帶收

又

諭茲臨蒞山東聞該商歷年引課無欠而積鹽仍有未銷經降旨將乾隆三十五年應征正課分作八年帶徵第念東省錢價亦甚平減著再加恩准照長蘆之例每斤暫加錢一文以奉旨之日爲始定限半年俾商力益資充裕

三十八年

諭長蘆商家營業素微是以節次加恩增價俾不致有墊累並將乾隆三十六年引課分作三

年帶徵以紓商力但念伊等第一次銀兩業已完交而第二限帶徵之銀與本年正課同時並納仍不免少形竭蹶著再加恩將三十七年正餘課項自三十八年奏銷後起分限六年帶征俾紓商力

三十九年戶部議覆山西巡撫覺羅巴延三河東鹽政瑞齡奏大池產鹽不敷配運請開大小池並撥運蘆鹽接濟請如所請將原封大小池開濬仍將貯鹽處所堅固築垣以防透漏並令長蘆鹽政知會河東飭商買運從之

又長蘆鹽政西甯奏商力微薄請將乾隆三十六年第三限銀兩並三十七年六限銀兩統俟本年奏銷後分限十年帶征經部議駁得 旨允行

又四川總督文綬奏請犍為縣開淘鹽井照例征收課銀從之

又諭據李質穎奏今歲黃河漫堤淮安一帶鹽堆被浸該商成本虧缺商力未免竭蹶著將淮北未運綱食引鹽應完正課銀兩加恩准其自乙未綱起分限五年帶完以紓商力

四十年兩淮鹽政伊齡阿奏請預題丙申年淮南綱引二十萬道給商接濟以裕民食戶部議如所請從之署山西巡撫覺羅巴延三等奏請將河東暫增二釐鹽價再展二年經部議駁得 旨著加恩照該撫等所

請將從前暫增二釐鹽價再行展限三年

四十一年 諭朕因兩金川蕩平奏凱恭奉

皇太后安輿臨蒞山左詣 岱拈香告成 闕里所

有東省商眾祇候迎鑾皆加恩將山東商人本年應征乾隆四十四一兩年引票正項銀兩又未完借項銀兩自本年奏銷後起限分作八年帶征以示優恤

四十三年 諭河東鹽政與山西巡撫因各有專司未免意存畛域於鹽務每多掣肘因思河東鹽政事務本簡非兩淮長蘆可比竟不如令山西巡撫兼管至一切鹽務原有運使專辦今得該撫統轄但事權歸一呼應更靈並著爲令

四十七年 諭淮南商人應繳提引餘利銀兩前經降旨加恩將未完銀展期遞緩分作二十一限繳完今該商人已完至第十三限其餘八限尙應交銀三百八十六萬六千餘兩此項提引餘利弊由高恆而起該商等按限完交已經過半朕思恤商卽所以惠民著加恩於未完銀內豁免二百萬兩其餘一百八十六萬六千餘兩仍著按原限完繳以示體恤

四十九年 諭朕翠華南幸取道淮揚兩淮商眾踴躍抒忱所有該商等提引餘利銀一百六十三萬二千七百七十四兩零著加恩全行豁免俾淮揚商眾益資饒裕

又 諭朕此次南巡勤求民隱翠華所莅慶典時行因念兩淮鹽戶僻處海濱亦應一體加恩俾得均沾渥澤所有乾隆四十五四十六等年各場因災帶征遞緩未完銀七千九百餘兩著加恩全行豁免

又戶部議覆兩廣總督舒常奏粵東鹽務經尙書福康安會同福州將軍承德於審辦譚達元控告總商沈冀

川案內查出各商逾限未完鹽價銀一十八萬七千三百餘兩皆由轉輸轉運各商完舊掛新陸續拖欠且因總商派捐津貼銀兩散商有所藉詞遂至積少成多力難併納請照乾隆二十三年清查積欠成例分限帶徵伏思粵東鹽務自乾隆二十四年查辦以來仰蒙 皇上天恩先鹽後課俾得轉輸獲利各商等自應急公報効乃經理不善掛欠鹽價至如許之多若一時遽議紛更轉於公事無益應如所奏仍令該督轉飭運使將應完銀數按月追繳倘有不實力急公仍前拖欠者卽將該商加倍治罪並將承追不力各員照例參處該督仍隨時通飭文武官弁實力緝私俾得暢銷官引又稱總商之設原因督辦查催必需有人承總方得無誤課程前因沈冀川倡議派捐以致衆情不服今面詢散商均稱辦理奏銷督催餉項必須專責總商請應仍循其舊查粵省設立總商原因督催餉課承辦奏銷乃積久弊生遂有收捐津貼致成派累今既清釐積弊自應一併革除況運使及場員皆專司鹽務地方官又有承催鹽課不力處分該督果實力督辦不患不年清年款何必因循陋習復立總商致滋勒派之漸從之

五十年山西巡撫伊桑阿奏請將河東續增二釐鹽價作爲定額經部議駁得 旨河東池鹽全係陸運需

費浩繁今戶口日增物價胥貴則運鹽之食物腳價較之往年自必有增無減該撫既稱現增之價不致有妨民力而該商等亦藉得稍爲舒展著照所請將續增二釐鹽價加恩准作定額以紓商力

原二
十九